



OPĆINSKI NAČELNIK

Na osnovu člana 57. i 107. Statuta Općine Ilijaš – prečišćeni tekst („Službene novine Kantona Sarajevo“, broj: 20/09), a u skladu sa Anexom B. Ugovora o saradnji zaključenim 24.02.2016. godine između Općine Ilijaš i Međunarodne finansijske korporacije iz Grupacije Svjetske banke (International Finance Corporation - IFC), općinski načelnik, d o n o s i:

ODLUKU

o usvajanju preporuka za pojednostavljenje, unapređenje i eliminaciju administrativnih postupaka

Član 1.
(Predmet Odluke)

Ovom Odlukom prihvata se Izvještaj Radne grupe za provođenje Projekta poboljšanja poslovnog okruženja i konkurentnosti u Općini Ilijaš (u daljnjem tekstu Radne grupe), imenovane od strane Općinskog načelnika, Rješenjem o imenovanju Radne grupe u Općini Ilijaš, broj 01/2-14-377.1/16, od 24.02.2016. godine sa preporukama za pojednostavljenje, unapređenje i eliminaciju administrativnih postupaka na nivou Općine Ilijaš, koji se nalazi u prilogu ove Odluke i njen su sastavni dio.

Član 2.
(Primjena preporuka)

Preporuke iz prethodnog člana, bit će primjenjene od strane općinskih službi za upravu u obavljanju upravnih i sa njima povezanih stručnih i drugih poslova iz okvira svojih nadležnosti, nakon stupanja na snagu Odluke i donošenja provedbenih općinskih akata kojim će se detaljnije urediti pitanja vezana za njihovu primjenu.

Član 3.
(Rokovi za donošenje akata)

Rok za donošenje općinskih akata iz člana 2. Odluke čije donošenje je u nadležnosti Općinskog načelnika iznosi 15 dana od dana stupanja na snagu Odluke.

Član 4.
(Realizacija Odluke)

Zadužuju se pomoćnici načelnika, da u skladu sa usvojenim preporukama iz člana 2. Odluke, usklade formu i elemente obrazaca, odnosno uvedu odgovarajuće općinske

obrasce kojima se stranka obraća općinskim službama za upravu prilikom pokretanja administrativnih postupaka, u roku od 30 dana od dana stupanja na snagu Odluke.

Član 5.
(Stupanje na snagu)

Odluka stupa na snagu 5 (slovima: pet) dana od dana objavljivanja u „Službenim novinama Kantona Sarajevo“.

Dostavljeno:

1. Općinskim Službama
2. Općinskom vijeću – Na uvid
3. IFC-u
4. Službene novine KS
5. a/a



Broj:01/2-05-1389/16
Ilijaš: 20.06.2016. godine